



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

XXVI. S Stephanus Protomartyr. Induite vos ergo sicut Electi Dei, Sancti, & Dilecti, viscera Misericordiæ, benignitatem, humilitatem, modestiam, patientiam supportantes invicem, & donantes vobismet ...

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

## S Stephanus Protomartyr.

*Induite vos ergo sicut Electi DEI, Sancti, & Dilecti, viscera Misericordiae, benignitatem, humilitatem, modestiam, patientiam supportantes invicem, & donantes vobismet ipsis: si quis adversus aliquem habet querelam, sicut & Dominus donavit vobis, ita & vos. Coloss. 3. v. 12.*

**C**onsidera propositum esse Apostolo commendare nobis hoc loco earum exercitiū virtutum, quibus praecipue inter fideles discernuntur praedestinati à reprobis. Unde dicit: *Induite vos, sicut Electi DEI, Sancti, & Dilecti, viscera misericordiae &c.* Electos vocat ob electionem ad gloriam: Sanctos ob sanctificationem per Gratiam: dilectos ob dilectionem illis à Deo exhibitam in utroque hoc dono. Jam verò ut tales vult indui omnes eas virtutes, quas hic vides expressas. Sed ut melius percipias eorum dispositionem, praenotandum duos esse status, in quibus spectari possint homines, unus est Prosperitatis, alter Adversitatis. si eos spectes in statu Prosperitatis, quales sint tum erga alios, tum erga se ipsos. videbis erga alios intus duros, foris asperos. & ideo vult Apostolus, ut erga alios induant viscera Misericordiae, & induant benignitatem. Viscera Misericordiae contra duritiam cordis internam: benignitatem contra asperitatem in agendo ex-

ternam. Et erga se ipsos solent esse intus vani, foris fastuosi. Ideo vult Apostolus, ut erga se induant humilitatem, & induant modestiam. Humilitatem contra superbiam internam, modestiam contra fastum externum. Deinde in statu adversitatis, quocumque modo spectes homines, sive erga se ipsos, sive erga alios, videbis illos intus impatientes, foris iracundos. Ideo vult Apostolus, ut in tali statu induant patientiam, & induant praeterea omnia, quae proxime indicat in verbis *supportantes invicem &c.* unde Patientia hic opponitur difficultatibus sollicitudinis internae: *supportantes invicem* cum his, quae sequuntur, opponitur facilitati succensendi externae. Et quae hac ratione Apostolus induit, quomodo diversa via soleant procedere Praedestinati, in quocumque statu versentur, prospero vel adverso. Tu quomodo in te ipso deprehendas virtutes modo recensitas? attentè considera: nam istae sunt, quae adducuntur ut signa Praedestinationis magis

manifesta, Misericordia, Benignitas, Humilitas, Modestia, Patientia, Remissio offensarum. & si ista defint, quanta est causa metuendi.

2. Considera, ejusmodi metum posse forsitan plus aequo crescere: dices enim non solum viscera misericordiae, sed omnes ceteras virtutes hic recensitas ab Apostolo plurimum sequi nativum hominis temperamentum; unde cum sis naturae immitis, asperae, superbae, impatientis, & valde pronae ad iram, non esse, cur speres te fore de numero Praedestinatorum: nimium deficere signa hoc loco memorata. sed memineris ideo usum Apostolum tam opportuno modo loquendi dixisse: *Induite vos viscera Misericordiae &c.* Vestes è serico, lino, lanâ, quibus amicitis, fortè tibi natura circumdedit? haud sanè. imò illa te nudum progenuit, & tamen per industriam cooperando auxilijs, quae Deus suppeditat ut Author naturae: tibi prospicis de his, quae ad munendum & ornandum corpus pertinent. Sic omnino per industriam cooperando auxilijs, quae Deus subministrat tanquam Autor eorum, quae naturam transcendunt, prospiciendum de eo, quod requiritur ad spiritum etiam praecorpore munendum & ornandumque. An tu forsitan primus es, qui ex immiti fiat misericors, ex aspero benignus, ex vano humilis, ex fastuoso modestus, ex iracundo patiens? hoc si fieri non posset, haud sanè diceret Apostolus: *Induite vos.* dum dicit *Induite*, utriusque nudis loquitur. Fac, quidquid potes,

ad pervincendam naturam actibus iteratis virtutum oppositarum, & illico obrinebis signa Praedestinationis desiderata: quia frequentare virtutum actus aliud non est, quam induere habitus. Quid puras petere Apostolum, cum dicit: *Induite vos viscera Misericordiae &c.* Petit exerceri virtutum actus, quas enumerat, sed crebros, quia actus rari plerumque non sufficiunt ad formandum habitum. Itaque, si videamini vobis non esse praedestinati, ita vos gerite, quasi essetis, & ficeritis.

3. Considera, sicut dixit Apostolus: *Induite vos viscera Misericordiae*, ita eundem potuisse dicere pariter: *Induite vos viscera dilectionis.* sed dicere maluit *Misericordiae*, ut intelligeres, quousque se extendere debeat Dilectio tua etiam interna. Extendi debet usque ad immeritos. reperias quosdam quibus ut benefacias, aut velis bene, aliud non inest argumentum, quam summae miseriae, in qua versantur, tum animi, tum corporis. Jam versus istos non sufficiunt viscera qualiscunque dilectionis, opus est visceribus, quae hic Misericordiae appellantur. Ita sunt viscera, quae reddunt hodierno die adeo misericordem sanctum Protomartyrem Stephanum etiam erga ipsos improbos, qui eum lapidabant. certè ad hos amandos, nullum in ipsis reperit meritum. plurima potius reperit ad eos non amandos, adeo illi se exhibuerunt ingratos, lividos, audaces, infensos. Quid autem? quod tam facile consequi non potuis-

Hhh hhh 2

set

fer alio genere dilectionis ( ut scilicet pro ipsis ardentissime oraret , imò etiam eos excusaret ) id est per insignem misericordiam. hujus viscera limites non habent, se extendunt ad utilitatem cujusque. ideo non contentus visceribus dilectionis etiam aspira ad viscera misericordiae, nam ista, ut vides, intra signa Electionis primo loco ponuntur. *Induite vos sicut Electi Dei, sancti, & dilecti viscera misericordiae &c.* & ista tu quoque primo loco tibi conquire.

4. Considera id, quod S. Protomartyrem adeo misericordem fecit erga suos persecutores, haud dubie fuisse exemplum Christi, quod paulò antè spectaverat. & hoc quoque prae omnibus movere te debet. unde audis hortantem Apostolus: *Sicut & Christus donavit vobis, ita & vos.* Condonatio offensae non fit vi ullius alterius dilectionis, facile concesserim, fit solius vi misericordiae. Sed ecce ut ad hoc ipsum

Christus & quidem tui causa pervenit hinc est, quòd redemptio mundi Misericordiae tribuatur potius à sacris Paginae, quàm cuivis alteri generi amicitiae. *Per viscera Misericordiae Dei nostri, in quibus visitavit nos oriens ex alto.* Luc. 1. v. 78. *Secundùm suam misericordiam salvos nos fecit per lavacrum regenerationis.* Tit. 2. v. 5. *Secundùm misericordiam suam magnam regeneravit nos in spem vivam.* 1. Pet. 1. v. 3. Itaque si vis misericordiae Deus adduci poterit, ut humanà carne indutus pro te (scilicet ingrato) in Crucis stipite moreretur, an non vi ejusdem tu quoque adduci poteris, ut boni quidpiam facias, ut velis his, qui etiam injulè te offenderunt? Poteris sanè, si velis: nam promptu est gratia. & ò te deum hoc consequaris! aquis hinc ipsius salutis, quod inveniri possit, certissimum: *Beati misericordes, quoniam ipsi misericordiam consequuntur.*

Matt. 5.

## XXVII.

### S. Joannes Apostolus.

*Nunquid ad praeceptum tuum elevabitur Aquila, & in arduis nidum suum: in petris manet, & in praeceptis silicibus commoratur, atque inaccessis rupibus. Inde contemplantur eam, & de longè oculi ejus prospiciunt. Pulli ejus lambent sanguinem, & ubicunque cadaver fuerit, statim adest.* Job 39. v. 17.

1. Considera, omnes Interpretes sensu mystico hic intelligere per Aquilam verum Contemplatorem,

Aquila comparatù ratione Inductus & quis ille instinctus Aquila? alium evolare. nec istud tantum, sed regis gaudere